



I – UGOVORNE STRANE

1. JP „Televizija Kantona Sarajevo“ d.o.o. Sarajevo, ul. Bulevar Meše Selimovića broj 12 (u daljem tekstu: **Naručilac**), kojeg zastupa Edina Fazlagić, direktor

Naziv banke: UniCredit Bank d.d.
Transakcijski račun: 3386902215316670

ID broj: 4200556770003
PDV broj: 200556770003

i

2. „ELUR“ d.o.o. Kiseljak, ul. Žrtava domoinskog rata broj 2, Kiseljak (u daljem tekstu: **Izvršilac**), koje zastupa Marko Kristić, direktor

Naziv banke: UniCredit Bank d.d.
Transakcijski račun: 3383402200065535

ID broj: 4236010950005
PDV broj: 236010950005

zaključuju

**UGOVOR
O NABAVCI ROBE**

II – PREDMET UGOVORA

Član 1.

Ugovorne strane su saglasne da je predmet ovog Ugovora nabavka: računara i računarske opreme, u skladu sa tehničkim opisom iz tenderske dokumentacije i ponudom Izvršioca, broj (Izvršioca): **237/2018 od 14.11.2018.** godine i broj (Naručioca): **01-3040/18 od 14.11.2018.** godine, koja čini sastavni dio ovog Ugovora.

Ugovor iz stava 1. ovog člana sklapa se na osnovu Odluke o izboru najpovoljnijeg ponuđača, nakon provedenog postupka po Konkurentskom zahtjevu, broj: **06/18 od 31.10.2018.** godine. Naručilac i Izvršilac su saglasni da Izvršilac, u ime i za račun Naručioca, isporuči opremu iz stava 1. ovog člana.

III – CIJENA I NAČIN PLAĆANJA

Član 2.

Ugovorne strane saglasno utvrđuju cijenu robe iz člana 1. ovog Ugovora kako slijedi:

ROBA: _____	49.910,00 KM
PDV (17%): _____	8.484,70 KM
UKUPNO: _____	58.394,70 KM

(slovima: pedesetosamhiljadatristotinedevedesetčetiri i 70/100 KM)

Naručilac će platiti cijenu utvrđenu u stavu 1. ovog člana na osnovu prethodno izdate fakture od strane Izvršioca, na transakcijski račun broj: **338402200065535** otvoren kod UniCredit bank d.d., a u roku 15 dana od isporuke opreme i stavljanja iste u rad. U cijenu je uključena i isporuka opreme.

IV – OBAVEZE UGOVORNIH STRANA

Član 3.

Izvršilac se obavezuje da će Naručiocu isporučiti opremu iz člana 1. ovog Ugovora, u skladu sa specifikacijom i ponudom, broj (Izvršioca): **237/2018 od 14.11.2018.** godine i broj (Naručioca): **01-3040/18 od 14.11.2018.** godine, koja čini sastavni dio ovog Ugovora, najkasnije u roku od 30 dana od potpisivanja ovog Ugovora, u prostorije JP TVSA, ul. Bulevar Meše Selimovića br. 12.

Član 4.

Kao zvanična potvrda ugovornog organa o ispunjavanju ugovornih obaveza sačinjit će se zapisnik o kvalitativnom i kvantitativnom prijemu, sačinjen i usaglašen između predstavnika Izvršioca, šefa Odsjeka tehnike i ekonoma, kao predstavnika Izvršioca. Šef Odsjeka tehnike Naručioca dužan je da osigura da se dostavljen zapisnik blagovremeno pregleda, provjeri, ovjeri i potpiše od strane Izvršioca isporučene opreme, šefa Odsjeka tehnike i ekonoma Naručioca.

Član 5.

Naručilac i Izvršilac se neće smatrati odgovornim za kašnjenje u ispunjenju obaveza prema ovom ugovoru, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja na snagu ovog ugovora, a koji nisu pod kontrolom ni jedne ugovorne strane, niti se objektivno mogu predvidjeti, a sprječavaju jednu ili obje ugovorne strane u ispunjavanju preuzetih obaveza. U što skorijem roku, nakon djelovanja više sile, a ne duže od dva (2) dana, Izvršilac detaljno obavještava Naručioca u pisanoj formi o djelovanju više sile. Naručilac ima, i može koristiti, pravo na raskid ovog ugovora o čemu u pisanoj formi obavještava Izvršioca u roku ne dužem od tri (3) dana nakon saznanja o djelovanju više sile.

Član 6.

Izvršilac garantira da će oprema iz člana 1. ovog ugovora biti tvornički nova, neupotrebljavana, originalna i da će funkcionirati saglasno deklariranim performansama. Garancija za isporučenu opremu je 12 mjeseci od dana isporuke. U toku garantnog roka Izvršilac se obavezuje da će se u slučaju kvara opreme odazvati u roku od jednog sata od poziva Naručioca, a oprema koja bude predata na servis bit će popravljena ili zamijenjena u roku od maksimalno pet (5) dana od trenutka ustanovljenja kvara.

V – PROPUSTI I ŠTETE

Član 7.

Naručilac smatra da je Izvršilac napravio propust u odnosu na ovaj ugovor, ukoliko Izvršilac propusti, iz razloga koji mu se mogu pripisati, ili odbije da:

- ispuni bilo koju obavezu ili sve obaveze prema ovom ugovoru;
- ispuni bilo koju ili sve obaveze utvrđene ovim ugovorom;
- ispuni bilo koju ili sve obaveze utvrđene ovim ugovorom u vremenskom roku predviđenom članom 3. ovog ugovora;

U slučaju da Izvršilac napravi ovakav propust Naručilac može putem dostave pisane obavijesti raskinuti ovaj ugovor u cijelosti.

U slučaju propusta Naručilac može odrediti razuman vremenski rok Izvršiocu, prema svom diskrecionom pravu, da otkloni propust i ispuni svoje obaveze.

Ukoliko utvrđeni razumni vremenski rok rezultira kasnijim ispunjenjem obaveza od datuma određenih članom 3. ovog ugovora, Naručilac će, prema svom diskrecionom pravu, uvesti penale Izvršiocu, koji će se obračunavati u skladu sa članom 9. ovog ugovora.

Ukoliko Izvršilac ne otkloni propust ni u utvrđenom razumnom roku, usaglašenom u stavu 3. ovog člana, Naručilac može, dostavom pisane obavijesti, a po isteku utvrđenog razumnog vremenskog roka, odmah raskinuti ugovor.

Po raskidanju ovog ugovora Naručilac će angažirati drugog dobavljača.

Član 8.

U slučaju da Naručilac ocijeni da je Izvršilac dužan platiti finansijske penale, ti penali se izračunavaju u iznosu od 0,5% ukupne vrijednosti ugovora iz člana 2. za svaki dan prekoračenja vremenskog roka utvrđenog u članu 8. ovog ugovora.

VI – BANKOVNA GARANCIJA

Član 9.

Izvršilac će osigurati, na svoj račun, bankovnu garanciju u formi koja je prihvatljiva Naručiocu, u iznosu od 10% od ukupne vrijednosti ugovora iz člana 2., neposredno poslije, a najkasnije u roku od 10 dana od dana potpisivanja ugovora i deponovati je kod Naručioca. U slučaju gubitka, štete i/ili dodatnih troškova koje bi Naručilac mogao snositi zbog nemarnosti Izvršioca ili neispunjavanja rokova i uvjeta iz ugovora ili nekog njegovog dijela od strane Izvršioca, taj dio takvog gubitka, štete i/ili dodatnih troškova koji je predstavljen u ukupnom iznosu ili u iznosu manjem od takve garancije se odmah na početku refundira Naručiocu sa takve garancije, koja ne utiče na njeno pravo da smatra Izvršioca odgovornim za puni iznos ovakvog gubitka, štete i/ili dodatnih troškova.

Rok važnosti bankovne garancije je 60 dana od dana dostavljanja iste Naručiocu.

VII – ZAVRŠNE ODREDBE

Član 10.

Za sve što nije regulirano ovim Ugovorom primjenit će se odredbe Zakona o obligacionim odnosima.

Član 11.

Ugovor stupa na snagu danom ovjere i potpisa od strane posljednje ugovorne strane.

Član 12.

Ugovorne strane su saglasne da sve eventualne sporove koji mogu nastati u vezi sa tumačenjem i primjenom ovog Ugovora riješe mirnim putem, u suprotnom nadležan je Sud u Sarajevu

Član 13.

Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

PRIPREMIO: Merim Serdarević, stručni saradnik u Pravnoj službi

ZA NARUČIOCA



DIREKTOR

Edina Fazlagić

Broj: 01-305/15
Datum: 25.01.2019. god.

ZA IZVRŠIOCA



DIREKTOR

Marko Kristić

Broj: 12/19
Datum: 11.2.2019.